

柳園吟草

柳園吟草目錄

古體詩（六首）

甲申春日造訪思謙教授於友竹居既擾珍饌又惠佳章別後賦呈誌謝	一
朱自力教授鴻著【說詩碎語論歷代詩】讀後感	一
奉題【北堂懷德集】	一
「箭之歌詠」敬悼駱建人教授次林恭祖副所長瑤韻	二
合歡山	二
阿里山	三

律詩（十六首）

榕下納涼	四
夏夜苦吟	四
種玉詞丈鴻著【袖山樓詩選】讀後感	四
詠懷（十首錄二）	四
謁昭君墓	五
謁明十三陵	五
金三角	五
海中天聽潮	五
黑風洞	五
冬日遊太魯閣	六
洄瀾觀濤	六
鹿耳沉沙	六
頭城過無爲室追懷康灑泉老先生	七
懷雲峰詞兄曼谷	七
題【延平詩集】	七

五言絕句（三首）

遊大昭寺	七
雲海	七
晨雞	七

七言絕句（五首）

論詩絕句（十首錄二）	八
盆松	八
吳王夫差	八
陳冠甫博士惠題拙作【柳園吟草】敬次瑤韻誌謝	八

古體詩

甲申春日造訪思謙教授於友竹居既擾珍饌又惠佳章別後賦呈誌謝

觀海難爲水，今始體微意。鱣堂春雨歇，簾外竹彌翠。明公善誘人，鹿鳴鼓笙吹。瞻慕喜盍簪，十觴不知醉。聲譽重儒林，人情閱古今。筆落驚流輩，詩成抵萬金。斑斕「世紀頌」彷彿「北征」吟。斐然歌「合掌」朗洛（註）是知音。風誼友兼師，緣證三生石。翰墨契苔岑，論交成莫逆。自惟愚且魯，人一我逾百。秉此耿介懷，千里跬步積。身世任沉浮，聖門汗漫遊。秀句杯中得，真詮象外搜。帝王無片瓦，李杜各千秋。褐糲足溫胞，毋庸事伎求。

註：朗洛，即朗梵洛。美國詩人 Longfellow 譯名。

朱自力教授鴻著【說詩碎語論歷代詩】讀後感

引玉試拋磚，遂願何雀躍。猶欲伴鷓鴣，不自卑羽弱。繼晷誦迴環，感受如親炙。沆瀣齒頰生，英華細咀嚼。尼父不能刪，斯書異等閒。聲譽蜚藝苑，卷帙貯名山。裘費狐千腋，管窺豹一斑。歸愚相伯仲，斲句動江關。說詩賡【碎語】（註）萬斛珠璀璨。闡源兼釋變，詳盡復條貫。稻江傳紙貴，人人爭索玩。我非賀知章，亦爲謫仙嘆。筆挾黃河水，瀾漫滾滾來。聖賢齊入彀，褒貶見風裁。斐然成鉅著，沾溉遍全臺。姓名垂竹帛，洵是挾天才。

註：清沈德潛（歸愚）著【說詩碎語】朱教授即依沈氏之說申論之。

奉題【北堂懷德集】（註一）

身體與髮膚，毋損孝之始。顯親與揚名，孝道闡終旨。年少戀庭闈，人間比比是。五十而慕之，天下能有幾？頭城仰陳母，閩範垂青史。內則嗣徽音，四德世稱美。積善有餘慶，族茂謳麟趾。肯堂復肯構，佳譽蜚鄰里。九男最英畏，而立膺博士。筆落風雨驚，才氣青蓮似。殿試已無倫，稷下更披靡。立達益思親，蓼莪常掛齒。云未答劬勞，瓶罄壘之恥。孝思本人情，不置一何偉？蕭燦（註二）與皋魚，千秋鼎足峙。

註一：【北堂懷德集】乃陳慶煌（冠甫）教授思親紀念集。

註二：蕭燦即蕭明燦。泉州安海人，生踰歲而孤。永曆九年，鄭師伐泉州，墜安平鎮，安平即安海也。明燦方五歲，與母相失，號泣於塗。叔祖某攜之來臺，居赤嵌城。稍長，

始知失母之故，行求漳泉各屬，不能得。乃與家人訣別，曰：「此行不見母，不復還」渡海而往，遍歷閩南。嗣遇延平族人，諗其母倚以居，大喜，趣迎歸，備極孝養，比之朱壽昌云。摘自連橫著臺灣通史卷三十五孝義列傳。

「箭之歌詠」敬悼駱建人教授次林恭祖副所長瑤韻

皖山出竹箭，飛射疾如線。志毅奠丕基，穿楊臻至善。抗懷恥藏弢，鳴鏑靖邦難。莫邪或差肩，千秋纔一見。功成憩雙林，不復浮名戀。辭賦弔觚園，招魂月在澗。聖道日衰微，神物難再現。青史永留勳，人誰不懷念？

合歡山（註一）

當年五馬說奔江（鄭成功高祖葬處，形家謂「五馬奔江」。）雲蹴婆娑洋世界。東寧地脈勢巖嶠（註二）西向喧豨水萬派。北簷雞籠何突兀（雞籠積雪為臺灣八景之一。）南盡馬磯始差殺（註三）合歡綿互跨南投，四季風光明似畫。倬彼嵯峨欲拂天，晴空萬里淨雲煙。破曉奇萊（山名）星乍落，六龍御日出花蓮。咫尺石門（山名）若培塿，白雲縹緲雪山巔。（雪山為臺灣第二高峰僅次玉山。）精神萬化相冥合，俯首群峰快若仙。卻看湍瀑向溪奔，甲（大甲溪）肚（大肚溪）濁（濁水溪）烏（北港溪又名烏溪。）沾四縣。盡將斥鹵變膏腴，載芟、載柞皆芳甸。原住民居仁（愛）信（義）鄉，南東其畝棻庭院。我來正值三冬候，豐年祭罷恣歡讌。江山毓秀且嬌嬈，多少英雄競折腰。一自陳稜宣略後（相傳隋虎賁陳稜曾略地臺灣，鄭成功建開山王廟祀之。）草雞（註四）金豹（註五）姓名標。勝朝孱棄如甌脫，鯤海揚塵五秩遙。人物風流俱往矣，靈山依舊鬱岿嶢。

註一：合歡山峰嶺綿互，跨花蓮南投兩縣，為北港、濁水、大肚、大甲諸溪之水源。主峰海拔三三九四公尺，莊嚴華麗。孟夏山花怒放，絢爛奪目。山中雲氣，蒸蔚巖谷間，望之若海。冬季落雪結冰，可供溜冰場。合歡山啞口海拔二五六五公尺，即橫貫公路主線東西兩段分野，亦為霧社支線分歧點。武嶺在石門合歡東峰之間，路基標高三二七五公尺，為全省公路最高處。

註二：赤崁筆談云：宋朱子登福州鼓山占地脈曰：龍渡滄海，五百年後海外當有百萬人之郡。」今按宋至清初年數適符。又云：福州五虎山入海，首皆東向，是氣脈渡海之驗。」

註三：在臺灣極南，山巒縱挺出，直抵海中。自傀儡山蟬聯而下至此盡。外為大海。往呂宋洋船，往來皆以此山為指南。按「馬磯」即「沙馬磯山」今稱鵝鑾鼻。

註四：明末廈門人掘地得磚，有「草雞夜鳴，長耳大尾」字凡四十。「雞」為酉，合草頭、長耳、大尾為「鄭」字也。

註五：施琅得罪鄭氏，匿廈門港亂石中，有老人云：此金錢豹子逃難也！」見固凱「廈門志」。

阿里山（註一）

雲開遠見阿里山，摩肩擊轂梅園宿。裙屐徜徉奮起湖，環山遍植四方竹。疾駛森林小火車，老街日夕聽麟轆。流連忘返逛坊間，反旆纔知鎖霧縠。一鳴覘白叫天雞，暘谷嵯峨士品題。五色九光驚乍現，千岩萬壑望難迷。須臾赤日眉痕露，俄頃金烏翅影齊。最是山城真面貌，荷鋤野老事疇西。纍纍吉野綴繁瑛，姑射仙人標冷艷。不施脂粉更清香，鎮日相看兩不厭。獨酌花間何限量，頹然醒醉三杯釀。婆娑起舞嬌無力，綽約冰姿春獨占。匠石慵瞻倖得全，斧斤不伐養天年。曾聞雷雨蒼龍化，常覲虬枝白鶴眠。微物蚍蜉那得撼，他山樗櫟卻相憐。由來材大難為用，叔世憑誰解倒懸？慈雲寺（註二）古冠瀛壖，寶筏金繩引迷誤。齋沐心參解脫禪，虔求指點菩提樹。空庭喜見雨花飛，淨理能教猿石悟。舉國殷憂浸大災，乞施法力蒼生護（時值三二〇總統選舉畢，朝野抗爭激烈。）白雲深處駐遊蹤，嘯詠蓬萊第一峰。巉岫擎天巖似戟，危岩瀉瀑矯於龍。夢臨貝闕霄攀九，望斷塵寰霧鎖重。好是先期赤松子，太初汗漫道朝宗。

註一：【阿里山】在嘉義縣東北七四三公里，為玉山連峰中之一支脈。山高二千九百公尺，為臺灣最有名之古代原始林區域，林產發達，有寶庫之稱，自竹崎至獨立山為熱帶林，山地高八百餘公尺；自獨立山至平遮那為暖帶林，山地高一千八百餘公尺，自平遮那至阿里山嶺為溫帶林，山地高二千九百公尺，全山森林茂密，有檜、柯、楠木、紅檜

等。一葉蘭，每年三四月盛開，色紫紅，為世界名蘭。自竹崎至眠月有七十餘公里之高山鐵道可通，火車柴油化，交通便利。森林、雲海、櫻花為阿里山三大偉觀。民國四十二年春，省府選為臺灣新八景之一。

註二：【慈雲寺】民國八年(1919)阿里山初期開發之際，日人有感如印度之靈鷲山聖地，而建造阿里山寺。並由當時曹洞宗管長送來由暹羅（即今泰國）國王親贈之釋迦牟尼古佛一尊供奉。佛像外以銅鑄，內裝金沙，已有千年之久，極其珍貴。民國三十四年光復後，改名為慈雲寺。寺門有門聯一對云：「此地崇山峻嶺茂林修竹最奇雲海大觀蔚為人間勝境，到處明月清風流水激湍雖無蓬壺仙跡堪稱島上洞天。」

律詩

榕下納涼

這暑榕陰下，追陪大雅群。江山飛冷翠，荷芰送清芬。杯泛葡萄酒，毫揮錦繡文。伊誰才倚馬，李、杜欲三分。

夏夜苦吟

琢句頻揮扇，宵深汗背交。蚊雷鳴院落，蛙鼓擊堂坳。胸恨無成竹，心憐有塞茅。數莖髭撚斷，一字尚推敲。

種玉詞丈鴻著【袖山樓詩選】讀後感

詞章如渤海，浩瀚壯乾坤。使典渾無跡，涵虛自有源。華山稅騏驎（公陸軍上校退役。）瀛海化鵬鯤。一卷人爭誦，應教萬世存。

詠懷（十首錄二）

富貴從來俗念輕，傳家詩禮最關情。烹經煮史燈相伴，鏤句雕詞酒自傾。好道已無槐蟻夢，消閑只有鷺鷥盟。熙游含哺還捫腹，卻訝漁樵識姓名。

裾曳侯門誓弗爲，家無長物卻矜持。丹鉛點勘心常樂，鐵硯磨穿志不移。勝友相逢猶恨晚，暮年困學未嫌遲，沉吟幸免愁風雨，林下鷓鴣藉一枝。

謁昭君墓

仙姿本自畫難同，漢主何須殺畫工。塞外拂弦臺憶紫，曲中變徵淚流紅。千秋胡地留青塚，萬里龍沙撲朔風。一代闕氏垂竹帛，絕勝爭寵閉長宮。

謁明十三陵

壽山鬱鬱十三陵，遺物珍奇見未曾。灑灑黃泉寒澈骨，氤氳紫氣冷侵膺。盡將成敗歸塵劫，無那河山怨廢興。往日悲歡皆寂滅，事如春夢感難勝。

金三角

畫舫滌洄泰、緬、寮，黃金三角地名標。連雲郊野栽罌粟，接壤萑苻匿毒梟。一面網開風益熾，三金貨貿事難銷。窮邊竟是繁華地，歌舞昇平暮復朝。

註：湄公河流經泰、緬、寮三國邊境，形成三角洲地帶。聯合國特準種植罌粟，遂成毒梟盤踞地。於是三金（黑金—鴉片、白金—海洛因及黃金）走私猖獗，世稱金三角。金三角以泰國邊境最爲繁華。舞榭歌臺，櫛比鱗次。熙來攘往，城開不夜。

海中天聽潮（「海中天」旅館名，建立在麻六甲海上。）

仰觀星月正交輝，俯視滄溟薄四圍。鼉鼓鼕鼕醒幾度，槐邦歷歷夢依稀。似聞風雨淋蕉竹，不盡波濤濺石磯。爲問天吳緣底事，倦看澆末獨歔歔？

黑風洞

拾級攀登黑風洞，巖泉滴久石玲瓏（借句）竇深十里星霜古，壁峭千尋氣象雄。印度教遺神像在，觀光客似水流東。群山排闥如奔湊，浩浩憑虛欲御風。

註：黑風洞位在吉隆坡以北十三公里處。在洞頂一百公尺上方，陽光由孔隙穿射而下。洞深

十里，共二七二階梯。猴子、鴿子及蝙蝠不計其數。一八九一年印度教徒在洞裡建了一座供奉蘇伯拉馬尼安神的神祠。於是成爲朝拜聖地。

冬日遊太魯閣

人來魯閣趁初冬，楓葉奇萊（地名）色染紅。九曲洞幽通燕子（口名）千尋壁峭入鴻濛。採金艷說哆囉滿（註） 摺俗猶存泰雅（族名）風。驀向長春祠外望，斜陽欲落崦嵫中。

註：昔原住民稱立霧溪與三棧溪一帶爲哆囉滿。連雅堂臺灣通史卷十八樵賣志：鄭氏末葉，遣官陳廷輝往哆囉滿采金。老番訝之曰：「臺其有事乎？」或問之，曰：「日本採金而荷蘭來；荷蘭採金而鄭氏至。今鄭氏又採，其能晏然耶？」已而清兵果入臺，話雖不經，亦足以知採金之古。」

洄瀾觀濤

徙倚洄瀾興致豪，爭看拍岸捲驚濤。汪汪萬頃奔千馬，渺渺三山戴九鰲。海若有情應掩泣，靈胥無恨不悲號。瀾漫浩瀚今猶昔，千古英雄盡浪淘。

註：花蓮市古名「洄瀾」。傳未築港時，沿岸海瀾汙迴旋轉，故名。

鹿耳沉沙

一夜風迴波驟漲，星輝鶉火月輪高。克收漢土揮鵝陣，畢進臙幢定豹韜。赫濯功勳垂宇宙，運籌帷幄失蕭、曹。徘徊不見鯤身海，臨眺空懷鹿耳濤。

註：鹿耳門，舊港名。在臺南西北。港雖大而水淺徑狹。舟必插標以行，觸礁則船立破。明永曆十五年三月朔，鄭成功率戰艦數百艘載兵二萬五千，從鹿耳門進攻，荷人沉舟塞鹿耳。一夜水驟漲，鄭軍飛渡。荷人詫爲從天而下。於是困荷夷於安平。至十二月荷酋揆一以城降。迄今三百餘年，昔之鹿耳門，今已成平陸。其遺趾僅剩一小溪。令人有滄桑之感。

頭城過無爲室追懷康灑泉老先生

數聲鄰笛起山陽，切切隨風欲斷腸。室訪無爲懷故主，人亡一例憶甘棠。鍾、張難與分軒輊，顏、柳應教共頡頏。曩日栽培感知遇，摩挲遺物淚雙行。

懷雲峰詞兄曼谷

伯勞東逝燕飛西，暑往寒來草又萋。嶺上花葩（星洲有花葩山）遺爪蹟，園遊虎豹（星洲有虎豹別墅。）記詩題。十年唱和同元、白，何日相將似阮、嵇？千里關山勞遠夢，暮雲春樹望難迷。

題【延平詩集】

元音磅礴震瀛東，十五星霜社運隆。海外別開鄒魯地，天南蔚起晉唐風。中興鼓吹人才盛，大雅輪扶藻思雄。一例青錢經萬選，千秋聲價福臺同。

五言絕句

遊大昭寺（寺在中國大陸內蒙古自治區呼和浩特舊城西南的玉泉井旁。）

好學屠龍技，猶期下九淵。參禪神物現，遽走竟連顛。

註：寺內釋迦牟尼像，高三公尺，純銀鑄造。左右雕塑兩條金龍高十公尺，活龍活現。

雲海

氤氳滿陵谷，白浪與天齊。不見龍飛起，惟聞鳥雀啼。

晨雞

欲曙勞相警，司晨記最清。劉琨茲已杳，喔喔爲誰鳴？

七言絕句

論詩絕句（十首錄二）

詩欲求工必待窮，久窮我獨未詩工。始知詩好非關學，稟賦由來各不同。
騷客休誇綺麗辭，要知平淡最難爲。欲求綺麗歸平淡，必讀千家萬卷詩。

盆松

託根瓦缶屈虯枝，材大偏遭俗世欺。辜負昂藏身百尺，雄心只有鶴相知。

吳王夫差

地下無顏見子胥，行成於越悔何如？劇憐北上黃池會，故國歸來盡廢墟。

陳冠甫博士惠題拙作【柳園吟草】敬次瑤韻誌謝

幾番屬草難賡和，一曲陽春妙入神。清夜倚樓心向月，鄉音吹管最相親。

註：陳博士顏其齋名曰：「心月樓」。

